

Biblioteka u sastavu Poljoprivredno- prehranbenog fakulteta u Sarajevu

Studenti, gdje ste?

I pored svih usluga i beneficija što biblioteka pruža studentima, nezainteresiranost studenata i slaba posjećenost glavni su problem

Piše: Boris Marinković

Biblioteka u sastavu Poljoprivredno- prehranbenog fakulteta u Sarajevu kontinuirano radi punih 60 godina. Davne 1949. biblioteka je počela s radom, te i dan danas osigurava studentima Poljoprivredno- prehranbenog fakulteta neophodnu literaturu za njihov studij. Nažalost, tokom ratnih dešavanja u Bosni i Hercegovini, biblioteka je izgorila, a zajedno sa njom i preko 150. 000 knjiga, udžbenika, brošura, magistarskih radova, doktorskih disertacija i ostalih štiva. Danas biblioteka broji tek nešto više od 8. 000 jedinica.

Savremena oprema


Pored slobodnog pristupa knjigama, rječnicima, enciklopedijama i časopisima, biblioteka nudi i usluge kopiranja i skeniranja. Također, u sastavu biblioteke je i čitaona i informatička sala sa 12 kompjutera.

Jako malo studenata koristi biblioteku

U biblioteci radi jedan radnik, Elvera Baralić, bibliotekar sa 11 godina radnog iskustva u bibliotekarstvu. Nažalost, zabrinjava je mali broj studenata koji koriste usluge biblioteke: „ Tužno je vidjeti jednog ili dva studenta koji redovno dolaze u biblioteku. Ne znam zašto je to tako, vjerovatno imaju neke druge izvore u nabavljanju literature, posuđuju, kopiraju ili šta već. U zadnje vrijeme sve ih je manje što dolaze i u čitaonu, na internet. Dok su mogli unositi hranu i piće, više ih je dolazilo.“, kroz šalu dodaje gospođa Elvera.

Neophodne promjene

Svjesna je ona da bi se trebale unijeti neke promjene da se više zainteresiraju studenti, kao što je zapošljavanje još jednog bibliotekara, te samim tim povećano radno vrijeme biblioteke, koje je trenutno od 9 do 15 sati: „ Pored toga potrebna je nabavka nove opreme, upotpunjavanje bibliotečkog fonda, kao i dopuna prostornog kapaciteta, najmanje još jedna soba.“, mišljenja je gospođa Baralić. Do kada će trajati nezainteresiranost studenata za biblioteku ne znamo, ali sigurni smo da će biblioteka na Poljoprivredno- prehranbenom fakultetu ponovo „ oživjeti“, baš kao što je to učinila i poslije ratnog razaranja.



U sastavu biblioteke je i čitaona i informatička sala sa 12 kompjutera



Potrebna je nabavka nove opreme kao i upotpunjavanje bibliotečkog fonda